

碧山日録

三

庫	文	閣	内
一	三	三	和
函	函	五	書
架	冊	號	類

史
一
八

内閣文庫	
番號	和 35522
冊數	5 (3)
函號	163 81



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



期
86



寛正二年

碧山日録

正寛
月巳

[Faint, illegible handwritten text, likely bleed-through from the reverse side of the page.]

癸卯年正月



正月

日癸卯 寅而拜佛燒香誦經 卯而微雪

龍子率來勤之二子來致禮且出逢春之作為試毫
之例為祝諸子之遠大勸茶杯而將扇子一柄各與
之

二日甲辰

覽凝然之所製且因依法傳通緣起

三日乙巳

此房修正隨例是日為散期也余自咲曰勤行每相

會者只獨為之以何人其為敬乎

四日丙午

以傳通錄起所載無畏三藏之履歷校覽元亨狀書之傳

五日丁未

入春公之完致年首之禮醫師法眼某在其座公勸酒於法眼

太平御覽一千冊見惠之此本南禪瑞松翁寄與京

飛也去

六日戊申



山谷宗金喜來於春公之完而為年首之禮公乃勸

酒

七日己酉

赴靈隱而招南泉之衆為齋

八日庚戌午而雨詣回憺堂藥師像又問春公之

足疾

九日辛亥火於萬壽之祖塔塔至晃西堂以有此

災乃退奔也

十日壬子己而雨視壘子昂顯顯祥源方丈樓墨

蹟之詩曰秋色動離襟相思寄旅吟河分隋樹尽路

入楚雲深積水沉孤嶼微陽着遠林故人不可見何
處訪知音又閑居誰似我退跡理難過要勢危身早
浮榮敗德豈雨催虫出穴寒逼鳥移窠野逢每人到
踈恣入薜蘿筆力書法不恒所視鳥詩亦有清絕之
韻故馬馬也

十一日癸丑
拜物外祖塔以諱辰也

十二日甲寅

去年蝗潦風旱相繼為灾國家凋耗弊亡茲年正月
天下殺祀減食飢餒者多充飽者少僧舍又止方外

之會

十三日乙卯 隣僧來設齋以梅花腦為話不知其
謂云曰訪求醫家書龍腦而有梅香謂之梅花腦也

十四日丙辰 永安准精來對炉清話

十五日丁巳 寅而雨 視書自警曰凡記持興籍

者蘊在胸中只資益性識而為於柄之便於此道益

每一絲毫不如暗黑窟地向鬼窟裏而作活計者自

答曰放過一着蒼天

十六日戊午 赴水嶠致年首礼於滿翁三出綵扇

一柄為其報也是日留宿樹德與趙剛談笑至夜半

授余以一心戒印又語以五傳心小乘數息觀正觀
音經所說大乘數息觀皆傳口訣

十七日己未自水滸州靈雲

靈雲禪師遺集卷之四
靈雲禪師遺集卷之四
靈雲禪師遺集卷之四
靈雲禪師遺集卷之四
靈雲禪師遺集卷之四
靈雲禪師遺集卷之四
靈雲禪師遺集卷之四
靈雲禪師遺集卷之四
靈雲禪師遺集卷之四
靈雲禪師遺集卷之四

普菴禪師傳

願阿為流民造菴舍

韓魏因荒年不見花

富鄭公賑濟飢民

珀石山日錄

寬己二月

二月... 一日壬申... 趙閑見寄一帖并普菴之印像其帖曰
此印板入唐者儲之非此方刊故印之以寄公祝有
護法之驗云像傷有閑大王持長刀其貝甚壯異也
童子問余曰普菴閑王厥來由如何曰按日記云宋
孝宗乾道年中普菴禪師出於江西慈化寺盛倡祖
道趨化如歸或時閑大王現形聽說玄旨且授其所
證自是晝夜相隨如影之於形師之感神靈不啻閑
主一人而已八万^火首十方金剛皆為其侍衛蓋師以
觀音大士化身克致之也師嘗謂閑王曰我現此土

...

不問緣之有無種之貴賤咸欲廢之將又令人富貴
貧賤只在汝意也汝以正直為本立則無妄不成
能護佛道至慈氏下生之時王深領師旨師遷化後
王常携一鏘刀巡行寺中有信者必見之於是天下
寺院奉安二像以祈善祐其應如響先是智顛大師
住荊門覆船山寺号玉泉與王廟咫尺一日暴風雷
雨形如王者三乘黑雲而降寺儀表偉如也相從者
數百人奇形異色各持矛戟師問曰汝為誰耶神曰
我是開王者也欽師之道業來禮願說法要度我等
師云老僧久聞王之為妖惡自今以來捨邪歸正仍

授三歸五戒王受師慈誨乃為善神也一時蒙古之
主大元皇帝出兵與那安王諱國相攻九十餘戰也
帝師失謀敗績于時有一將軍赤面黑眉騎白馬携
鏘刀交鋒相戰遂獲那安王頭帝問士卒曰赤面將
軍誰哉軍中靡知焉或曰是南方所歸敬闍王神乎
知以帝有正直慈仁而來救乎帝大悅曰我得天下
每州建廟崇奉去既而帝即位下勅四百八十州建
廟以答前志也目錄曰黃子云如今所言乃闍王以
惡作善智顛之所諭導也若授不以歸戒則古今之
一妖神也天下豈其廟祀以致敬乎此印板何其不

刊顛師像附以闍王乎余曰實受歸戒入善順之地
顛師之力也然而以昆尼巖身者或未免輪轉之報
也以禪那證心者立出離三界也若與戒^抗之則其
功太遠矣况善庵禪師克役使君神備天下之妖灾
以茲視之師之道大與闍王相合也命工鑄像於梓
者其以此乎或云闍王乃蜀闍羽也
二日癸酉^己而雨願附於六角長法寺南路為
流民造芟舍十數間其橫長自東洞院坊以烏丸街
為限也
三日甲戌^丙閱大慧書洛卷

四日乙亥永安南栢東山正宗惟精來勸茗洛^終日
只以荒歲為話耳
五日丙子晚發微恙
六日丁丑流民之芟舍成矣願阿命其徒病民之
不能起俾竹輿棄之其群聚不可勝紀也先烹粟粥
食之蓋飢者喫飯則仆死故勸粥也此賑濟以是月
為限云
七日戊寅午而雨鶴隱聞余之臥疾惠以良藥
乃命僮煎以熱眼^服
八日己卯雨不霽

九日庚辰 高弘公來問不安且語及芟舍曰日死者以五六十數之云、
十日辛巳 或曰三茶亞相某徹午膳頌飢入感仁心以紀之
十一日壬午 是日以初午俗詣稻荷神祠例也
滿子來接之與茗
十二日癸未 辰而雨 備叙設齋見招以滌疾辭之乃贈頌以美膳頌三也
十三日甲申 請六角坊之芟舍是日流民死九十七人也

十四日乙酉 春公出銅錢數百枚公與道路餓莩公平生有慈見流客餓人則作草舍糶之活者多矣
十五日丙戌 是日仁涅槃靈芝之頌為茂月蹶為韻代人賦之曰昨日示認指忘月今朝解度河捨筏七步周行果若何未後失脚蹶一蹶又曰閻浮此歲是何月苦海忽失度生筏闕絕躡地誰助哀虛空喫顛頭彌蹶
十六日丁亥 侍藥於梅檀林開頌會以靈源筆語為歎也 余微疾康復
十七日戊子 客曰願爾役其徒日三出屍於鴨河

之溼及油路坊之隙地為叢塚安之且建高顯樹以
資薦其靈也余問曰願何許人且發大慈心以作
此施耶曰彼越之中州人也其家世業漁登竟有殺
生之報出家修道送入淨社只一意馳西而已又見
佛宇僧廬之廢地則必修之五茶坊之長橋其斷久
矣往徠苦揭橋遂求信士之施大建之雖屬夏潦溢
漲築其中流者屹然不絕人皆稱之今年又化財賑
民葬死其非慈意感發於性情者誰克有之乎余曰
此咸菩薩悲願力也不能孤調自救之至也可謂願
上人名副其實者矣

十八日己丑 國家大臣某賞東溪之梅高歌爛醉
勸娛終日其歸也狂呼馬上嘔吐路旁其勢不可觸
也路人皆目而避之日錄曰韓魏因曾自斬州徒鎮
則郡圃號衆春會歲飢涉春未嘗一遊陳薦舍人時
在幕府以詩請之云水底魚龍思鼓吹沙頭鷗鷺望
旌旗魏公答之云細民溝壑方援手別館鶯花任送
春在鎮政聲流聞天下云魏公之傳續至於此不
竟淚下於戲今日俾看花之人知之豈其得此狂乎
十九日庚寅 滿翁遣什寄土物數件余問曰木幡
境內近日飢餓如何竹曰已死者一百余人流冗者

倍之云

廿日辛卯命僮治後圃且藝果接花

廿一日壬辰頒鉢飯與飢人

廿二日癸巳西山文仲西堂來責惠茗語話

廿三日甲午源相公詣鵠嶺神祠客曰河州嶽

山城失火官兵所以敵出城潰奔及攻之敵出戰官

兵乃退云

二十四日乙未春公入馬郡湯泉以三月九日為

歸期也

二十五日丙申客曰願爾烹粥調糲日食飢民

然而保命得活者尠矣往日皆所為群聚得食則
悉可活及之死何也或曰所設大鍋子其數十五口
其面皆向北凡兵器雜具其面北則不祥也其北之
為訓大陰之方也陽氣伏於下不得發生也或師旅
敗績走者為北也皆背陽而向陰二者死也以是
俗指鍋口之北為流冗不活之効乎余曰理豈其然
乎只不能知旧史者言也往時宋高鄭公知青州魚
京東路河朔大水民流京東勸民出粟十五萬斛益
以官廩得公私廬舍十餘萬區散處其人明年麥大
熟流民各以遠近受糧而歸凡活五十餘万人上聞

之遣使者慰勞即拜禮部侍郎弼曰救災方臣職也
辭不受前此救災者聚民城郭中煮粥食之饑民聚
為疾疫及相蹈藉死或待次數日不食得粥皆僵仆
名為救之而實殺之自弼立法簡便周至天下傳以
為法至于今不知所活者幾千萬人矣余以是視之
流離之民必露處道塗為風雨所浸沴寒氣結於中
得一熟食則發為疾疫二二相延為害如風加於草
也只饑餒聚死而致焉也豈其在鍋釜之南北耶客
以為是也余又為感言者紀之也
二十六日丁酉 朱能有頌會的書記勤之其跋曰

虛空講經代人曰虛空開口打深諗大地山河甘不
甘忽自江西門下看須彌說法叫同參

二十七日戊戌 申而雨農民為下稻種喜之

二十八日己亥 問紹藏主於淨居折二相向殊以

治具見待也又以香合一枚為惠其鵲紋象紅花綠

葉也

二十九日庚子 訪春公之留守裏子相會者八九

人

晦日辛丑 以夏入京自四茶坊橋上見其上流

屍無數如塊石磊落流水塵塞其腐臭不可當也東

去西來為之流涕塞心寒或曰自正月至是月城中
死者八万二千人也余曰以何知此乎曰城北有一
僧以小片木造八万四千率堵一置之於尸骸上
今餘二千去大槩以此記焉也雖城中所不及見又
郭外原塹溝壑之屍不得置之云願南徹流民之
屋

壬辰尔讀高麗表

空海俾諸州民書心經

表上釋書

釋書十科

官收南禪惡僧

建仁寺為飢疫死亡開施會食

瑯石山日錄

寬己三月

三月... 中書侍郎勝秀公尋紫竹細小者乃贈
之使其容木林某見謝之
二日癸卯... 偶讀本朝敏達帝紀其中曰高麗表疏
授於大臣召聚諸史令讀解之是時諸史於三日內
皆不說讀爰有舩史祖壬辰尔能奉讀釋由是天皇
與大臣俱為讀^讀爰曰勤乎辰尔汝若不愛於學誰能
讀解^直從今始近侍殿中既而詔東西諸史曰汝等
所習之業何故不就汝等雖衆不及辰尔又高麗上
表疏書烏羽字隨羽黑既無識者辰尔乃燕^燕羽於飯

三月... 中書侍郎勝秀公尋紫竹細小者乃贈
之使其容木林某見謝之
二日癸卯... 偶讀本朝敏達帝紀其中曰高麗表疏
授於大臣召聚諸史令讀解之是時諸史於三日內
皆不說讀爰有舩史祖壬辰尔能奉讀釋由是天皇
與大臣俱為讀^讀爰曰勤乎辰尔汝若不愛於學誰能
讀解^直從今始近侍殿中既而詔東西諸史曰汝等
所習之業何故不就汝等雖衆不及辰尔又高麗上
表疏書烏羽字隨羽黑既無識者辰尔乃燕^燕羽於飯

氣以帛所羽悉焉其字朝廷異之以壬辰尔克明烏
羽之字余復紀之

三日甲辰侍藥於梅檀林開頌會以桃核觀音為
顯也清水寺有淨僧是日於五條橋下聚死尸作

冢其數一千二百余人云丑而雨

四日乙巳前侍藥復開頌會其顯乃木劍也代人

曰一張徒假木工力三尺何須炉鞴功正按翁提利

如鐵斬成兩段太虛空

五日丙午客曰弘法大師出於嵯峨皇帝之世一

年大飢諸路死者無數帝勅勅問所以救民於年二曰

是人前生以業報所感也陛下勅於諸路俾群民
各書般若心經一本足以償宿業不能自書使人書
之悉達之於城中余為慶讚此灾乃止云帝從之諸
州如其言師聚經於佛前為群民懺悔自是飢疫隨
日而熄於西山大覺寺置庫以藏此經見今有之云
六日丁未命僕修西園竹籬免子食蒿苣僕惡之
塞其廷

七日戊申清岩未終日茶話

八日己酉雀兒為鳥所逐逼入座鳥見人回飛群
雀飛噪噪悲之鳥有慈孝之養而以小禽之子為食何

也慈烏：詎克不慈其慈矣。虫出鳥之微，每其實則人惡之，况其於人乎。

九日庚戌 庭前山石榴盛開，移榻賞之。

十日辛亥 紹藏奉在書曰：右京兆之容清氏某，以

明日為三十三年之諱辰也，委余以供齋之費。可公未赴，云乃應其請而入清氏之宅，其靈牌署曰義江信公也。

十一日壬子 平且有點心之供，畢開妙典頌書之會，臨齋誦楞嚴神咒，午而會罷。見京兆之甲第，床座器物之設，殆如王侯之家。前面池水濃湛，鳧雁

飛翔，魚游泳，白鶴鴿碧鸚鵡之屬，畜之金籠。余意曰：京兆豈奇哉之紹公，略詢玄要，且發慈心，自賑濟飢民，而有此園池也。當世與衆人樂之，其只京兆乎。十二日癸丑 使勤童習讀楞嚴神咒。

十三日甲寅 春公生日也。誦誥^諸咒祈其康安，俗以

支日之當寅為北方毗沙門天之緣日。春公生于寅，是日又寅也。乃與童子詣鞍馬山毗沙門之像，僦一僧房留宿，問其祖峰、延及藤大夫伊勢人之叔基也。彼說其一二，不得審知焉也。夜深月白，開戶而坐^坐杜宇兩三聲，清真動而不睡，息詠古人聽鶻之篇數十

回遂達天明也

十四日乙卯 早晨發鞍馬山以便道入洛之浴室

十五日丙辰 謁室渚和南奉高諗 及小乘六識

推大乘八識天台九識也天台以六識為本而立九

識法相雖權教以大乘八識為本其立識天台不及之又曰彼宗

以楞嚴圓覺二經為宗之樞要猶吾宗須中峰廣錄

大慧書為要訣也訣只異其廣略而已至所教示乃一

致也

十六日丁巳 作欽明帝初發佛教之論 乃着編

年之書

十七日戊午 復閱敏達帝紀作百濟日羅遭害之

論又作蕪馬子感舍利之論

十八日己未 閱用明帝紀

十九日庚申 赴春公之招旨者摠一於平等寺奏

平氏曲與春公赴共座又正宗惟精來偕聽焉悲惋

豪壯曲折万端聽者感泣不已矣感曰蔡平氏曲者

莫以如之

二十日辛酉 獻山之一眾相聚議莫謂之三塔會

合是日有之着甲冑執干戈會聚者二万餘人云

二十一日壬戌 閱唐鑑 弘法大師諱日也與倫

叙赴東寺見其會理性院賢竟之孫某元長者之職
是日聚其門徒以為拜堂之儀觀之遂過金勝寶勝
之二院至相拱揖茶及昏而退
二十二日癸亥客曰南禪寺近日有僧為黨火結
讎者所居源相公聆之欲捕囚其徒而不知之仍命
大眾於土地祠前俾署為惡者名以其多為驗也名
之為無名之判也遣大吏監之遂叢其署名致於源
相公又司寺務之西堂三人以菊礪為首同謁公以
啓署名而二僧之名多者之有也乃召其僧名曰麟
曰琳下獄譴罪其夜有餘黨入大雲殺西堂菊礪而

截其頭聆者為之悲嘆

二十三日甲子山中諸英賀永安之子棲巖頭作
小之落髮有賦詩會以暮春會茂清亭為題也

二十四日乙丑數日不雨民不得下穀種相公命
諸寺祈雨以麥漸熟雖飢饉少熄又疫疾相續起
民死者無數

二十五日丙寅過永安見茂清亭詩

二十六日丁卯滿翁見惠宇治新茶二包裁帖謝
其芳意也

二十七日戊辰謁室渚而求明日奉供薄菲和尚

乃應許又招彙西堂首座皆可來赴云
二十八日己巳 坐渚和尚未資彙育共來和尚袖
豐聰太子傳出之蓋余所夙求也齋畢座談移刻
午回駕 春公是日招管領右京兆勝元公左典既
道賢公光祿大夫持清公等大開宴倡優金春子為
歌舞終日為樂其會夜闌而罷 獄官多賀某沃南
禪二因僧之罪以數叔水并下其口噴之吞之其苦万
端然竟不言所作之咎云
二十九日庚午 相公命建仁寺之一眾開施食會
於茅五橋上以薦飢疫死亡之靈且書牌曰尽法界

汝亡靈是日平且作是會也若午而作之死屍爛壞
之臭不可觸故急務之云 是日適閱海藏和尚紀
并錄云元亨元年辛酉師四十四歲二季壬戌師四
十五歲春至本竟秋七月還自本竟八月元亨秋書
三十卷適更三草既成乃以其十有六日表聞皇帝
其表頭末標臣僧而中皆名蓋仍永安師之旧貫也
帝先覽表大嘉納焉帝意謂異日集碩儒鴻才校讎
真雁為死疵而後入大藏大行天下不然貽謗後世
當是之時廷臣紆問罪于關東之籌策而未能也甲
子歲帝大失志由是臺評遂寢正慶元年壬申師五

十五歲五月師再抱釋書表上新天子：：固覽再
四憤前朝亡義奉必將論考以行下而天下大勞未
艾廷議少暇遂罄於論次命也後延文三年十二月
有況知容者勸僕上書請行釈書僕從之今上下其
莫公卿大夫議：者余曰可上緣此以庚子六月十
日勅入經藏班行天下蓋況知容有力焉又曰梁
高僧傳立十科各隨其類入其科也其所謂十科者
譯經義解習禪明律護法感通遺身與福經師唱道
續高僧傳改經師作讀誦改唱道作雜科宋史猶如
唐史今師見三史立十科以戒定惠三季配其初

至終以他事故其十科之數不純今以十度立十科
可謂純全之科品也

Faint bleed-through text from the reverse side of the page, including characters like 文殊, 乘脚, 子, 乘拂, 頭, 首, 之, 寮, 設, 壯, 飾, 栗, 棘, 白, 雲, 禪, 師, 一, 百, 年, 志, 大, 明, 首, 座, 講, 式, 諸, 寺, 赴, 浴, 橋, 開, 水, 陸, 會, 花, 山, 冬, 青, 樹, 每, 風, 而, 倒, 商, 客, 喫, 飽, 粽.

文殊乘脚子

乘拂頭首之寮設壯飾

栗棘白雲禪師一百年志

大明首座講式

諸寺赴浴橋開水陸會

花山冬青樹每風而倒

商客喫飽粽

瑯石山日錄

寬己四月

卷之八 目錄

唐書卷之八 目錄
卷之八 目錄
卷之八 目錄
卷之八 目錄
卷之八 目錄
卷之八 目錄
卷之八 目錄
卷之八 目錄
卷之八 目錄
卷之八 目錄

四月 金華天竺寺 天竺寺 天竺寺 天竺寺 天竺寺

一日己未幸謁寶渚和尚謝前日之來賁寫聖德太子之夏迹加編年之書兼

二日庚申黃安紹公誨大慧書是日聞有此誨欲往聆焉先枉道於東山詢其實於正宗曰誨期在十六七日云乃自東山還

三日辛酉寅而雨及昏不歇天下為穀種喜之閱日本紀作敏達十三年蕪馬子乞佛像造寺又司馬達等於奇膳上得舍利而以碓椎毀之不得壞之

傳且及康僧會感舍利復唐傳爽以羚羊角毀之而

辨之
四日壬戌世有不知文殊之乘獅子來由者大藏
錄外有佛說陀羅尼集經一百卷中天竺三藏何地
瞿多所譯也舍衛國祇樹園說也其中有大神力陀
羅尼經釋迦佛頂三昧陀羅尼品其金輪佛頂像法
之說曰欲畫其像取淨白氈若淨絹布闊狹任意不
得截割於氈上畫世尊像身真金色着赤袈裟戴七
宝冠作通身光手作卍陀羅結加趺座七宝莊嚴蓮
華座上其華座下豎着金輪其輪下畫作宝池遠池
四邊作鬱金華及四天王各隨方立其下九邊畫作

文殊師利菩薩身皆白色項背有光七宝瓔珞寶冠
天衣種種莊嚴乘於師子右邊畫作普賢菩薩莊嚴
如前乘於白象於其師子白象中間畫大般若菩薩
之像面有三目莊嚴如前手把經匣端身而座於佛
項上空中畫五色雲蓋其蓋尤右有淨居天兩七寶
華又李長者華嚴合論第四文殊乘師子者為明
創証法身佛性根本智斷惑之駿故普賢乘香象王
者表行庠序為威德故又西洛興福寺推穀法師
夢文殊騎師子入口作首楞嚴玄贊得深義是大藏
綱目所載也華竺之說既如此豈其曰每據乎

晚與綴書記赴木幡留宿於樹德又南伯來清話終
宵與趙開論文字清濁
五日癸亥自木幡還趙開借於余以三十頌集註
唯識奧義略見是一本
六日甲子赴春公之宅東山之正末未相會西齋
午後而退
七日乙丑室渚和尚之小師忠公居記室之職入
夏兼拂之日設齋招諸英是日以專僧得見報以不
出辭焉室渚和尚曰頭首兼拂之寮飾以名畫萃
璵金屏風也為禪客也昔年兼拂之前夜為其禪客

者書所問話頭以詰頭首求其披覽仍置曲楮三脚
對面初更座禪畢後禪客未扣寮開戶相接各座曲
录舉灯烛其光照映金屏目眩眩慄其氣羞澁言不
正也禪客曰問禪之話為供一覽也頭首悼戰而對
曰明日於法堂上可得聆何其勞一來乎既而揖湯
而退今時每此儀只為衆覽設其壯飾也和尚曰
當時叢林曰栗棘之祖自雲禪師之一百年諱其徒
不考之故不設其齋筵甚為不孝也此不預此會者
或年少後生之語也余十歲時當其遠忌也其徒大
設齋供衆佛前餅花也有僧某用意精巧自截木以

造粟挿之又有一僧於祖前只折生大橋一枝挿之時
人咲其拙巧之異余歲幼然至其餅餅花能記焉如是
也其無會者不知之者語也 和尚又曰三聖之俯
庸有大明院昔有 首座者音吐清雅能讀羅漢講
式其声清颺入或諷而則之南禪有僧以式為史記
和音和音以式以式求之講史記 乃為式以諾之預約日而
來聘於壁間把一卷軸披之南禪之僧意謂是儒家
之本也既而舉敬白之語此僧猶意謂我所持之本
意此語恐其溫公之異說之本有此語乎而熟聞之
羅漢式也其其僧匿笑而退 曰此式外律曲拈之

響可傲者只在修羅上天之語何其不俟終而退速
乎叢林傳聆之者皆以為笑也

八日丙寅 午而暴風 先是民間曰八日大風疾

疫消禳

九日丁卯 常照殿首座未茶話之次曰柵尾明惠
上人平生覩直見文殊大士之真體一日座睡恍惚
之間大士騎師子現其前而亟去上人欲暫拜之捉
師子之後而其毛多留於手中祕為以鎮寺住侶傳
其法者取是一毛以為授受之驗其家訓曰毛盡我
法可絕也今遺少許去余按高辨之傳曰上人歸文

殊大士日持五字咒誓曰願依大聖加被得如寶智
救濟有情後讀華嚴茅二十五如來在他化自在天
宮說十地法門之句天莊嚴相顯現目前舉眼瞻仰
文殊大士乘金毛師子在空中長三尺許光明赫熾
辨不耐感幸起立作禮云：未聆金毛留其手于今
其徒室之豈傳者之忘乎故紀之。目錄曰一毛頭現
百億豈共有盡哉若又言有百億乃為一毛：：又
無有之乎

十日戊辰以源相公命相國寺一眾率其派等持
寺等持隨真如寺之眾於四條坊橋上開施食會以

薦饑疫死亡之靈

十一日己巳寅而風雨。問春公就掬涼亭有會
日夕而罷

十二日庚午本寺東福之眾就四條坊橋上開水
陸會赴其會者三百余負也以前亡後沒各：函灵
之八字書靈牌相國以三界万灵十方至聖為牌字
也。開古篋得黃江之所裁殘菊之偈押春字曰黃
花秋^老考使人愁般若叢林凋落時金色頭陀不過去
還看鷲嶺一枝春見鳥有味且若對顏以語之^追傷
不已故紀焉

十三日辛未 本寺以例啓建 作大連物寺屋毀
破蕪僕射之所造塔殿之紀
十四日壬申 寅而雨 循紀曰郡縣競務剝剝以
充貢獻民外為盜賊所掠內為郡縣所賦生計无遺
加之饑饉无食民始采樹皮葉或搗蕒為末或糞土
而食之諸物皆尽乃自相食吏皆畏法莫敢振救余
有視古慨今之嘆仍書之
十五日癸酉 本寺頭首秉拂問荅酉而終奄傳者
歸語書記忠之索話曰一毛頭上三関屹立喝一唱
從這裏入

十六日申戌 與長法寺之專慶相會於春公之宅
慶久司其寺務仍問聖德太子之事迹共論其傳之
詳略

十七日乙亥 萬壽寺一衆於茅五橋上関水陸會
書牌以河沙餓鬼各三迷靈之字
十八日丙子 謁室渚和尚謝忠書記秉拂師曰凡
為秉拂頭首者住持小卷之拈提以可舉之若居頭
首職者非其人則住持嫌汚其話而不出之由是近
未有各拈提之弊余告之於住持俾出其拈語而頭
首皆拈之

十九日丁丑 卯而雨

廿日戌寅 南禪之衆於四茶坊橋上開閱水陸會以
它累此累一切亡靈書牌見其會之人曰唱七如未
之号而小手磬破而失聲維那乃失舉唱之節云
廿一日己卯 容曰前日高埜山衆屬義就之兵與
次郎之兵戰而大敗死者七百余入云
廿二日庚辰 天竜之衆率臨川室幢而赴度月橋
而有水陸會云

廿三日辛巳 春公率門客數輩而未遊烹茶清話
廿四日壬午 寅而雨卯而大降諸河暴漲散橫

亂於洲渚者悉流焉皆曰天為下土洗穢惡

廿五日癸未 春公赴其弟高弘之宅弘以价見招
乃往也茶酌終日

廿六日甲申 向紹藏主於淨居于時前外史常忠
少官務左大史長與公及春公相集高論快笑以相
娛也忠公披所儲玄奘三藏之畫像以為談柄也忠
公曰迎衛坊之花山院古皇之別宮也階前有冬青
樹一株其大數圍也日前無風而倒既而其巨枝自
揚又低底如素矣又有長蛇出自樹腹見者以為異云
真公曰城西有二高客共喫鮎粽其一入曰可喫二

百錢之糶一人曰喫二三十枚許汝乃可飽去仍而單之室庖田疇財貨咸賭之以喫之其初如流水就於下片雪之落洪炉入口乃消去既盡百九十枚而氣塞腹張尚餘一十枚輒自沒其家而容彼世咸咲其饜饜而失產業也日錄曰諸候大臣爭郡縣土地者不得已則血戰以奪之或失其利身乃鬪死較彼爭糶者過之遠甚

廿七日乙酉高弘公引余其完安子之母以未面而出對香饌頓首須臾甚厚只以奉之遠大為言而已

廿八日丙戌倫叙七澤未清語移刻源相法遣大吏加賀某松田某檢視河州之官軍是日發京先入和州之路

廿九日丁亥客曰城中有一婦其娠有日若一物礙喉既而自其口產一子世以為怪去

卅日戊子源相公入伏見里大光明退藏之二院辰而雨

碧山日録

寛
己
十月

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十

十月 隨例開爐 赴廣德聆碧岩之誦 是日
為余見誦第一卷梁武問第一義於達磨之古則午
而始申而畢 午而微雨 柳樹之梢根而挾之池邊枝
二日己巳 前月 斷 柳樹之梢根而挾之池邊枝
葉萌而有發生之氣 雖不得稟性 於歲寒不凋其
斃而復耕 枯槁之所不能也
三日庚午 視不 禪師之所撰碧岩之抄 同聚育
首座所儲之本也
四日辛未 江之集雲寺童鳥 正勝未寄宿於此房

享年八歲皮相其為人頗有聰敏之氣其姓佐木氏其先隱州守也移家於江州乃以江邊庄為食邑父兄皆為光祿大夫持清公之家臣也以有其緣依余也

五日壬申隨例祖忌詣真前燒香致拜命正勝隸名於本寺之籍

六日癸酉午而微雨而觀不二之碧岩抄

七日甲戌宿雨不霽赴廣德碧岩之誦

八日乙亥倫叙未其子文傳侍者去見差十月望住持

上堂問禪之職草其語而求余之淨書乃寫焉

雨不霽
九日丙子移小金菊龍膽草於前庭又蓮根種東面之池

十日丁丑赴廣德誦碧岩之筵及昏而歸

十一日戊寅向永安風症瘧且苦未得其平復也

十二日己卯環藏主來曰余數年侍老漢諸務冗

縻雖一日不得少閒心力為之勞也昨奉巾匝之次

暫請暇乃蒙見許故寓止伏見里永明寺為使公知

余之行止未過云仍留之宿因座炉頭論往來未之

次作禪詩一章曰對炉宵打話開口絕商量天地胡

為物古今錯承當飛泉声洒雨殘月影凝霜堪嘆百
年變營三有甚忙環有和酬之意余以其困沈期未
日也
十三日庚辰環藏主之伏見午而雨
十四日辛巳滿翁投一帖見請乃赴其招此夕過
樹德與趙閑共語
十五日壬午滿翁集十淨侶而誦誦楞嚴神咒祈
其安康也

十六日癸未辰而雨淨居之紹藏主使蒼頭在
一簡其中有詣勢陽之神祠之語乃往餞之相會者

二拾餘人

十七日甲申常樂祖諱也詣塔下燒香致拜

十八日乙酉永安之惟精欲使其子見瑛童烏寓

止余之房余以小童之群聚不得行家訓為辭也

十九日丙戌春公引右典廐道實公於其第設享

燕之會竟遊東邑北斗院見楓葉以支余先往院僧

求有余之一詠乃賦曰打景拖筇秋水涯丹楓古寺

日西斜青帝杼機青女手為君織出滿林花僧悅以

和歌報之

二十日丁亥

碧石山日録

寛己十一月

十一月... 碧石山... 日録... 十一月... 碧石山... 日録... 十一月... 碧石山... 日録... 十一月... 碧石山... 日録...

十一月... 碧石山... 日録... 十一月... 碧石山... 日録... 十一月... 碧石山... 日録... 十一月... 碧石山... 日録...

十一月

一日丁酉曆以是日未刻為日蝕而雖逮昏黑不蝕也午而自伏見之永明院歸靈隱也

二日戊戌赴碧岩之講筵其座有号暮雲者淨修之徒也喜作禪詩有賦砮之篇求有余之和焉乃作之曰輸贏一局石盤中闕智論功翁對翁死活都來高着：心王不動八方通又與廣德商量栢樹子話

三日己亥赴春公之宅看樓觀之所畫芙蓉映水野菊帶雨圖

四日庚子 春公入拱州馬郡之湯泉為恐足疾復發有此行也 焚感出矣

五日辛丑 赴碧岩之講 巡聽徒散畢與廣德商量

栢樹子話

六日壬寅 八幡之神廟及將軍墓震動 客曰河

州響田八幡廟震矣

七日癸卯 自造火燧之小篋

八日甲辰 赴碧岩之講 巡徒眾未至先與廣德商

確栢樹之話

九日乙巳 清岩未問碧岩錄之可由名之更曰碧

岩者夾山靈泉寺之別名也僧問夾山善會禪師夾

山境云：此答話牽於天下由是後來曰碧岩寺佛

果任夾山作此集故号碧岩集仍為後生不究碧岩

之起本者紀之

十日丙午 赴碧岩之講 廣德設茶杯見厚待遂共

確高栢樹子之話

十一日丁未 物外祖年諱之辰燒香訊經從例有

門徒之齋會：畢倫叙相接數輩於南軒而聯句昏

而罷散也

十二日戊申

三寶院僧正招余乃赴而問其故曰

我家以密學為本其餘有諸宗之典籍及醫道之書
聖湊抄錄等一時為橫亂失之故倩諸僧能書者俾
寫之願公臨寫一十餘卷以遂余志惟万幸也曰此
事非一手之速所能也若一手而書之歷數旬不以
可成也余多乞冗而不得則難以應高命僧正強之
余再拒之

十三日己酉是日冬節也

...

碧山日錄

寬己十二月

十二月
一日丁丑東山之正宗請接春公享以香飯同見
招余相會者十有二人劇論狀笑莫不受而說遂終
是日而焚燭以盡興也既而公退余宿其房又與正
宗附炉而語
二日戊辰靈泉之十菴禪師之年諱也塔至九洑
和尚設齋請其徒也命綴書記而延余至瑞澗軒而
齋畢而問和尚又語以古今
三日己巳春公招余曰東濃之食邑其名曰離
有寺号大雄而僧衆莫司之者敗圯年久矣公往而

以其產修之是予之所願也曰凡精藍之屬舉敗起
顛吾徒之行也以不可避云公悅焉以五日為發行
之期

四日庚午 紹藏主高弘公共贈金為東發之贐
門輩六七八未設麵以為餞

五日辛未 鷄鳴而飯謁春公告別公借以馬且副
以福予抵東湖之濱乘粟津之舟天字朗晴江面安
帖自是還馬福以公之別莫共赴東濃自舟中西見
叔岳長山及石山東望三上山之與鏡嶺寔為詩之
勝韻也恨每共言焉知焉又有一双之鷗避標檣而

飛去高容敗人之有利害者為之知鷗之不閑也少
頃而至山田津步行至草津驛也昏而投宿小篠原
之館勝童之兄隱政某居江邊村近於篠原聽余之
赴東州供以僕馬也

六日壬申 黎明發小篠原歷江千河原于時甲兵
數百人來余問其故一歩兵曰朝臣日野之客有号
平木者與国士蒲野子爭以日野之邑蒲野子以公
命攻平木堅城深堊以保守城不拔蒲野之兵
敗高宮某救蒲野不克被刺而死屍橫城下者六十
余入云其徒被傷者數負也晚入安孫子村小吏聞

館相接待以飯肴也

七日癸酉寅而雪發安孫子村而至磨針坂持

清公之容高橋某借馬以乘焉未而入濃州酉而投

若棗里又公之食邑也吏出迎余吏調香膳而餉

蓋以公之意也

八日甲戌是日留宿若棗里入北邑而瞻富民某

所造塔婆開其四戶中安地藏菩薩之像戶繪八

天之形其牆壁皆鏤金傳丹青其費不可測雖云邊

邑之細民運信心於此道其如此以可敬也吏曰

此邑里入夏多杜鵑其鳴噪若燕雀之多余問其形

曰身黑色開嘴則如渥丹兩趾向後也又問其所巢

曰余嘗伺茂樹之間探鶯巢而得杜鵑之雛俗之所

傳鶯^卯之中有杜鵑之語實不虛設也余聆此語又

知子表之言杜鵑之審也

九日乙亥借春公之客若甲子之馬發若棗里也

數里有長橋其長一百六十間也日夕而投關里老

吏石井子出迎余告之以有大雄之敗作此行云遂

赴寺而觀其可攝修之修也

十日丙子辰而微雨命匠工壞敗廊以改之又

修其房也

十一日丁丑 明年某月某日法幢寺德禪師一百
年忌諱也是日其徒預營法事云 檢大雄之寺產
石井子具讀其簿也 里民來致禮者多矣
十二日戊寅 里有寺名瑞雲本寺正覺之屬也住
持某來自召余乃赴焉具香麵以見待也又惠以剃
刀一柄也深謝其厚而退 里中之民過半鍛師也
其作名於天下故召鍛師求作剃刀數柄皆領之
溪口里法泉之住持支仲見未問共遊大雄之後山
又入石井子之宅對飯揖茶
十三日己卯 石井子曰西邑此去二里餘有一池

名為千代奴池嘗有一尼住菴全機透脫得大自在
之者有奴名千代 給使之餘提持所示古則一
時汲水杓底脫矣忽然有省曰一汲 盡千河水目
前忽見自己月尼深印之遂名聽於諸方自是名之
為千代奴池云日錄曰処女人之形具大夫之氣非
夙生之薰力安克有之乎或參玄之士滯言逆語弄
鬼精魂者可以不愧耶 午而大雨
十四日庚辰 畢大雄修葺之功午而赴歸路老吏
石井其屬數人相送至里之西門也迂路欲扣支仲
於溪口而至大瀨河頭舟師曰大水溢漲不可舟也

若有渡之水底石角可以推舟云自是赴奠火驛投
宿遂不問文仲也驛後多桑樹命僕截其一株以作
筇也

十五日辛巳鷄拍而飯發奠火里而復投若桑里

也

(Faint bleed-through text from the reverse side of the page)

碧山日錄

正寬
月未

正月

一日癸卯寅而謁佛前燒香誦咒如恆矣為諸弟
具茶果以為壽且出綵扇數柄杉紙十番為之祝也
平旦赴吳芝點心之會法契未禱台新歲之賀以胥
慶也

二日壬辰康喜二公未皆以金為禮舉茶為報

三日癸巳赴靈芝喫草飯且招南泉之眾共揖茶
也不潮首座亡矣雖其門弟近親不知之蓋其
徒以往來皆以正始相賀之時不發之也

四日甲午午而雪惟積有惠既乃以関刀杉帚

為報矣諸客來以冗不悉紀之

五日乙未雪大下其深五六寸

六日丙申前夜對雪唵嘯雖更鼓及三四次不敢

眠予時有過門之履殆待其入而欲相接頃而窅尔

予乃知超丈之以興至黎明作此寄○只以其不入

為言身積雪空庭夜倚欄清懷天地一衰殘剡溪門

外有過客王氏風流尚不寒超丈未語以前宵

七日丁酉本寺修正是日散筵如例也

八日戊戌芡陀苗新戒是日任侍客之職往賀之

作麵煎茶以待門契之後

九日己亥蓮室集淨土簡要錄序略曰淨土之教

興始于典午之世樓煩大士來廬山集郡賢以創蓮

社六時三昧清脩淨念其往生之蹟如青天白日終古

不磨厥後仰而則之及其成功者代亦多矣其然

然而名落宇宙者在後周則有南嶽惠在陳則有天

台顛在唐則有善導法照少康在宋則有永明壽慈

雲式長廬曠昭慶常之輩是矣至於賢士大夫如晉

劉程之雷次宗唐之柳宗元白居易宗之楊傑王古

馬玕陳瓘江公望王日休之流從之既墮行之既驗

各有著述云

十日庚子 蓮室集西齋和尚傳曰西齋和尚者四
明人諱梵琦字槃石自幼知有西方弥陀教法清晨
十念求生淨土未嘗一日少懈及任天寧築室西偏
專念於淨土因號西齋焉云 贊略西齋和尚童非
時知念佛至老行之愈力復立言以轉化四衆故於
生死之際游戲去來非真得佛祖心髓者其孰能如
此余在時宗門中人多逞空慧昧念佛為小道而
不言及况脩之者哉悲夫 寅而兩 春公未野膳
待之 十一日辛丑 未而風雪 十一日

十二日壬寅 蓮室集曰王媽 保定王校尉之母
也每日以豆兒計數念彌陀佛 歷歲既久工夫成就
豆兒不待手拈而隨手過去室中佛燈長見自滅自
明家人多驚異臨終天樂來迎謂子校尉曰我往生
西方去汝聞天樂音乎即化去至今人呼為豆字兒
王媽媽又河南有一老人以豆計數念佛積至百餘
石其家一歲以念佛豆作種子至發苗展葉每一葉
上皆有佛像宛然如畫人皆異焉失記其姓字衍聞
于真定龍興住持慈雲長老慈雲有道者言不妄蓋
可信矣

十三日癸卯 滿翁以帖報明日開轉般若之會
光祿觀公之臣兩三輩來相接而勸茶
十四日甲辰 未明而赴水幡先入樹德向隆議二
禪翁致新歲之禮而赴滿翁之宅轉般若經也
十五日乙巳 南住持天竟^覽上堂之次作一偈示衆
乃和之云 茶^芬陀猷沙弥以燈婢之顛開賦詩之筵
予作之曰織手擎燈錦帳前寧王粧飾小嬋娟
自屬楊家女天晴漁陽烽火煙
十六日丙午 蓮室集寄玉泉西堂曰暑往寒未沒
柰何老年深厭若^苦娑婆何由速脫皮囊去撫取蓮苞

快樂多

十七日丁未 倫叙以輪差居靈芝塔主之職
十八日戊申 江之集雲林上人以何惠其土產數
件 留^留極公來於南泉倫叙接之靈芝有茶果之設
公從容盤桓俛日期過余之弊菴而退
十九日己酉 已而兩雖抵夜不歇
二十日庚戌 代人和住持元夕上堂之韻心地每
明劫數前人 如舉手遮天一燈換眼元枯木不墮
他家光影邊龍吟号枯木山天竟以其裔作茅三句
也

二十一日辛亥 赴大聖祖月諱之齋前河每橋塞
衣渡之以北山雪消河水寒沴若兩脰欲以亡矣
二十二日壬子 常照檀越醫師法眼某謁宰渚伺
候診脈既而語話之次以法眼年頭自所賦偈白之
和尚乃和之曰居士手中誰及他其行大過畢後迦
先序每歲耆英會唱起滿城平樂歌法眼辱之退也
又逮脫^晚覓紙於傍侍援筆大書曰即心即佛非心非
佛不涉二途何邪佞佛師禪觀之餘脩淨法故有此
語也

二十三日癸丑 宰渚和尚示寂遺偈曰打破虛空
拗折拄杖秤尾每星半斤八兩子弟舉龕赴山寄成
息以掩土 赴宰渚以諸弟送葬於山崎而每人只
哭歸耳

二十四日甲寅 自十一日山中有造塔之工役又
以年頭交致聘待且賀者往來咸為宰渚止焉
二十五日乙卯 宰渚之俗弟^弟東嶽和尚作追悼之
偈曰象王行處有何憂截斷茫茫生死流不借浮囊
登宰渚此舟過後又每舟

二十六日丙辰 相公臨照光祿^平觀之弟以例也
入宰渚致哀且和舟字韻曰苦海群生哭且憂毘

嵐浪起忽回流文殊尖栳普賢得慈瀹猶留菩薩舟
以東岳居慈瀹院茅四句及之
二十七日丁巳蓮室集示孝道偈曰參禪只用心
念佛還開口心口盡掀翻海底泥牛吼
二十八日戊午緇緞寺三僧來留宿茶話
二十九日己未環藏主有帖曰明日乃余亡友太
原某諱辰也其子判官某為齋僧之供公可未赴去
乃諾焉

瑯石山日錄

寬未
二月

二月廿五日
一日庚申赴太原之請有圓通懺摩之會相會者
皆南禪相國之僧也盛光院有一犬噉人安子遭
其難傷右膝求藥傳之且灸者二三壯也
二日辛酉午而雨少林檀越吉良玉山公之卒
哭辰也七洋譯設齋見請相會者十余頁也蓮室集
示簡首座語曰念佛三昧者圓中之圓頓中之頓大
乘中大乘不可思議中不可思議者也與吾祖菩提
達磨大師竄上乘禪每二每別所以禪門諸師如永
明壽天衣懷真歇了長芦曠慈受深等雖傳持寂上

乘禪猶務密修念佛三昧也然念佛三昧者普拱群
機菩薩聲聞天人群生之類發心念佛即得往生佛
土譬如大海百川細流無不包納最上乘禪者單接
最上根器中下之機終莫能入所以念佛三昧者為
圓中之圓頌中之頌大乘中之大乘不可思議中不
可思議者也每一箇上人端確慎重篤志於宗教為
堂中茅二座一日懷香上方丈拜而言曰和尚傳佛
心印為達磨兒孫搥大叢席而不以單傳直指之道
接人却以念佛三昧勸化四眾似乎違祖悖宗受人
之譏也余曰吁百千法門無量妙義無非為諸人了

生脫死出三界二十五有而已參禪若了生脫死出
三界二十五有念佛若了生脫死出三界二十五有
即是參禪了生脫死出三界二十五有以斯言之何
有參禪念佛之間也哉何況參禪念佛俱是假名都
無實義只如子言有違祖悖宗之譏從上古德皆務
密脩念佛三昧是豈違祖悖宗者耶若言違祖悖宗
之譏是下愚不通之論矣足惟烏爾矣每一再拜而
然余言請書以為警又示智榮上人語曰念佛參禪
為了生死生死性空本無可了如此則念佛者佛性
亦空念箇甚麼參禪者禪理亦空參箇甚麼所以教

中道但有言說都無實義雖然釋迦老子憫衆生故
譬如應病設藥耳病若去體藥亦無有大凡脩行之
人不要執法為上只如道州諗和尚看經次文遠入
來州拖經卷文遠即出州隨後去把住云道道文遠
云阿彌陀佛州使歸方丈趙州文遠激揚此道正是
打鼓弄琵琶相逢兩會家也智榮若向者裏會得有
何佛可念有何禪可參有何生死可了不越南部即
往西方不離衆生竟成佛果其或未然切宜究取
蓮室集跋曰右蓮室集乃榮國恭靖姚公未正衣冠
時之所撰也公蚤習天台教觀深念佛法門暨臻徑

山堂奧則益擴而充之矣雖嘗四董名蓋恢弘祖道
而能兼修淨業推己及物徃形於述作文詞篇什
或讚詠彼土之諸聖或寄贈同志之高流假以問答
為不請友即信明真摺未歸本發揮至理罄無不盡
噫公豈非夙乘願力而來自由比丘相現宰官身施每
礙辨才得一切人匪離文字語言契悟惟心淨土者
哉公之自行化他可謂博且大矣至於指館朝命所
司依闡維法已而舌根不壞公公卿士庶聚觀賦異
有旨留秘慶壽此其正念不渝始終統一之明驗也
予因勾曲善士周普進等合財命工重刻斯文遂併

著之庶幾覽者增其信嚮抑亦普進有以啓之去宣
德八年歲在癸丑三月十有三日前興隆住山江左
沙門衛遐拜手日錄曰衍公之所修專淨土之一宗
也公既擬一方大禪刹而代拈槌豎拂以稱名何也
課佛不外於參禪不待公之言論其極理則諸宗皆
一致也然而立宗倡法各有授受也雖於道莫可恃
而在宗門則豈為無所及乎

三日壬戌赴清淨菴壽首座請談終日遂留宿
四日癸亥自清淨赴三光精舍以其主地書記之
求也地公以諸僧相會而出名茶數品試之以其試

之優劣出睹以為資也予得地藏菩薩像一尊也地
公曰吾先庐西山地藏院每月廿四造此像一軀以
與所求人其像乃是也云予今不求而得之不真得
乎以日夕又留宿

五日甲子昧早自三光歸靈隱

六日乙丑少林七澤拈招斯立流芳甫栢而成藥石
之會予預其座也

七日丙寅赴佛乘延祥之請

八日丁卯移枇杷樹於東面其長二丈餘

九日戊辰寅而雨一

十日己巳 幻菴有書乃復之

十一日庚午 俗以例詣福荷神祠

十二日辛未 永安雅精來對榻茶話

十三日壬申 龍傳侍者去俗姪千子來欲暫寓此際以

習讀諸教文也

十四日癸酉 招儀的而喜好息挺康之諸兄供以

家常會畢共赴靈芝評明日之分韻得買蟹解三字

十五日甲戌 赴靈芝頌會賦之曰浮利虛名任汝

買顛言倒語每人解口業業難消地獄目手脚忙亂墮

湯蟹又代人四首曰五千萬藤閑孝解付與兒孫親

賣買今朝營辦報恩肴古手酒芳左手蟹權實双行

小知解法味何如一鬲蟹教外別傳二者誰不識文

字韓阿買長生妙藥每錢買苦海徒求辟瘧癩元未

他是六通仙鶴林樹下一尸解慶喜結集了難解迦

葉微咲何堪買休祿狀氏獅子兒趙王猶惡水中蟹

十六日乙亥 赴勤童祖父之請會於悟心菴幻

菴寄帖乃裁其報也

十七日丙子 扣前外火常忠公閱環翠室共談笑

奇論異說所得者不少矣

十八日丁丑 酉而西 春公來訪以昨日謁忠公

為話也

十九日戊寅 微雨終日

二十日己卯 天序朗晴遊靈芝之後崗

二十一日庚辰 雨止入靈芝以備叙之請也與

公登妙雲樓開懷置城郭山川於一目公以為壯觀

又歸靈芝共茶杯公以興之不盡志歸遂下簾張燭

及三鼓而散座間只格外之談耳

二十二日辛巳 備叙前夕暗中咳顛傷其左足往

而問之

二十三日壬午 午而雨 東山平宋來問拉濃紙

十番見惠予曰公之所交咸湖海名流英衲然惠然

未問不腆之人其意固可敬也又濃產之賜示以所

向之深何其幸乎只恐非所敢當矣且揖茶談笑予

遂出鞵子一双尾紙一束曰非報也只答雅意而已

二十四日癸未 智竟菴之主報二十六日其祖木

道一百年忌之齋 是日木道之徒設魚心之供請

一山之僧衆及童行共會永明智竟之二菴

二十五日甲申 昏鐘後拜智竟塔

二十六日乙酉 木道百年忌辰也諸寺老宿多相

會其觀全各有差施東堂者貳貫文西堂者壹貫文

僧衆者七百文童行五百文等持寺至原古靈泉
院至九淵共光未開軒相接
二十七日丙戌往等持寺而致昨日蚤訪之謝且
假其所製施食集額分解三本
二十八日丁亥雷鳴微雨
二十九日戊子視施食集額惟清古鑑二西堂
未訪廣澤息藏至未曰明日我檀越朝日公以請
可臨願未為座伴去予以吃車辭之
三十日己丑瑛童之父某以車赴九州是日與惟
精偕往送其行也相國寺前任是日戒化

碧山日錄

三覽未
月

三月

一日庚寅

微的西挺李猷之誌諸

兄昏率賞梅於溪

東予述作詩而共不赴之意乃有和予又作六首各

酬之

二日辛卯

抵暮琴溪來留宿談笑

三日壬辰

正宗菴康傳侍者開賦頌之會以東海鯉

魚打一棒為題作之曰

原欠

老雲門東海赤梢

遭打翻棒下何妨化龍去青天白日雨傾盆

四日癸巳

木幡滿翁顛項發瘡往問之又過樹德

而與趙開語仍出其巫撰臨濟錄抄共論其詳畧

五日甲午 有惠青石一株者遣价謝焉
六日乙未 安子父高弘請其兄春公於東山私第
享宴終日公曰吉田神祠近有怪吏詔諸碩德禳其
妖也又曰前月朔二日双出同晦日蝕予以不見不
紀於其日也
七日丙申 予以輪次之差會門徒賦頌偈題乃蘇
碧池也曰地通泉脉疊青石月落波心涵碧空編得
江湖多少景瑠璃万頃一方中
八日丁酉 寅而雨

四月

一日庚申 入大寶殿拜盧舍那像又詣天池院辨
才天及八幡宮

二日辛酉 華嚴孝侶集會此房圓成房某為講師
来自西室先說起信義疏之序問者某在前抗論真

心躰相真如生滅之二門答問數及而畢
三日壬戌 午而雨 卯刻開講席至開一味法門

作法義二種之文問者難之誦而舉清涼所歎一心
法界本無內外不屬一多佛自證窮而為證也 假

義記一本焉焉

四日癸亥 問者曰 奘三藏至西竺而以其中土
音新譯諸經故為正音然以經翻為素怛藍何也素
怛藍邊境訛音也若以正言之修多羅也誦師曰雖
云居京城中者不交於公卿貴人者語甚鄙俚况外
國沙門躋寓跡者豈克成得成其正音乎十八九有之
可乎
五日甲子 論揚三性三無性之義
六日乙亥 問難智光戒賢三時教之有異也
七日丙寅 專講四悉檀 諸般若寺文殊菩薩又
扣四聖房見菩提僧正行基良辯及聖武皇帝之像

以此名四聖也 寅而微雨
八日丁卯 卯而雨 作浴佛偈呈趙闍 乃和和
之不錄 與趙闍論五十三知識之數添有德女再
見文殊則五十五聖也再見以智昭每二相為義也
世言知識者多止於五十三耳為之紀
九日戊辰 論說如來懸印馬鳴之變又詮示聲聞
理行果等也 趙闍曰聖德太子曰我生於七世於
東大寺而可興佛教云先是祿後身者三曰聖武皇
帝曰醍醐寺聖室曰東南院聖跡尚有四身繼以興
大教後世可俟也闍又曰東福政陽禪師寓止律宗

不斷寺而聽華藏俱全等於當院之祖三河法印某
云
十日己巳 說顯了秘密二門而論以根胜利鈍公
大小也
十一日庚午 論始教立五性而雖不改其所行竟
歸一性皆成之理也
十二日辛未 論如來藏隨緣成何賴耶識或理徹
於妄或事徹於理又說虛空每邊故世界每邊
：故衆生无边之義
十三日壬申 寫義記三卷畢一百五十餘紙也

十四日癸酉 論權教大乘無教大乘又說二乘人
有三種餘蓋煩惱業果報之三餘也
十五日甲戌 論同歸別躰任持三寶而問答數四
是日河州嶽山城潰其將義就逃亡於南紀云
十六日乙亥 論所詮宗趣宗者一心法義趣者信
行得果也具說其總別義異
十七日丙子 確論依言絕言二真如門又說七種
大性其五約因後二就果
十八日丁丑 丑而兩 華嚴去信為道元功德母
以此文答問

送存書記歸藝州詩
梁溪說希古之語也
希遠所製龍崗任南禪江湖
諸老宿諸寺退院頌

瑯石山日

錄

正寬
月酉

正月一日

乙酉寅而拜佛燒香誦經例如恒矣瑛寅勝安
篆之諸子皆致禮也勝童出早春之詩乃羨之詣
大寶殿而列祝聖之會又從衆詣常樂而誦經竟入
靈芝轉般若經之會畢有點心之供門下法屬相
共為歲甫之賀

二日庚戌詣諸老宿而致禮也入靈芝懺摩之
會為導師之唱就垂蔭軒而有耇塔至惠以扇紙
三日辛亥諸彥未所以繫不記名也
四日壬子赴文室之齋相會者一百余貞以季春

之誘入前板寮長幼祿還茶既數巡歡笑而退
五日癸丑 傳芳之景桃招七澤典余而飯在座者
六七人也 入文室滿散之會 畢貫之延諸徒入
其房共作聯句之詠也

六日甲寅 前日普門住持未有厚惠之物是日以
鼻祖画像一幅報之曰歲首之慶當臻每已矣至祝
前日垂訪玉帛之惠不任感忭仍顏秋月之所
華碧眼老人之像一幅以奉寄到也老人乃普門大
士之變應而吾徒之所祖仰也故推納以致名寧相
副之賀且非報也 大聖住持設齋見招典數子赴

其請也 己而聖 清岩未以蒼鷹獄吏白兔御史
之故妄為誇矣

七日乙卯 本寺修正散筵之後赴諸房而致禮皆
告門童而退 月咎斯立來責以不在而不接

八日丙辰 兩班交代各赴其寮而賀新選 午而
入浴

九日丁巳 招隣房之徒設齋 看誦華嚴經
十日戊午 赴普門之齋 畢往夏公之宅致禮也
諸客未聚日夕而退

十一日己未 木幡之滿箱惠寄以茶漿餅菜若干

品也

十二日庚申 大聖之梅童以川外菴梅之顯聚同門

之後而賦詩曰老梅蟠屈見脩鱗昏月影沈清磬瀆

水底武侯猶未起劉郎三顧問花人

十三日辛酉 誦華嚴經 趙關及光昌等以夏未

是日甚寒深謝其勞

十四日壬戌 入浴室及出而逢貫之郁文乃延接

勸茶也

十五日癸亥 佛乘之信童以養人秉燭畜為歡開

詩會曰昭容舉燭夜遊春織手紅明醉錦茵風竹聲

寒渭南屋殘燈尚照独眠人

十六日甲子 赴木幡般若之會與趙關共談

十七日乙丑 午而入浴 紹首座未以餅漿待之

乃招貫之為伴也

十八日丙寅 抵夜夏公過於佛乘超文以簡招余

乃往夜半而歸

十九日丁卯 參陀之孝書記歸安藝未求送行之

語序曰惟存書記有西安之行乃據杜甫贈高逵夫

赴於安西之詩以當社帳之錢云遂赴西安出洛陽

春風斷盡別離腸杜陵曾送高書記又見僧中有此

郎

二十日戊辰 赴江都文茅三諱辰也其徒設齋供
衆赴其請 午而入浴 芬陀之殊侍者以山村聽
鶯之韻相會賦詩曰謝官歸德恣噓行倚杖從容听
野鶯嬌語情多山舍外去年太掖隔花声

二十一日己巳 赴忻溪月忌之齋與正宗惟精相
會 有容出盪扇曰需一詞顯其上也乃視其所畫
雪裏紅長春花也曰一種仙葩長領春幽妍忍凍色
尤新前村欲去問清容容雪裡還逢紅美人
二十二日庚午 招夏公設漿麵相會者一十餘人

也 正宗惟精有此約 正宗以患暝不來惟精有書曰
吾護國之祖塔：主之室未之有也是日老幼昏議
為經營之吏若欠一人止其議云故不赴云

二十三日辛未 謁夏公謝昨日光未也乃獻以絲
扇盪紙等也

二十四日壬申 赴同聚柳文伯之招會其座者李
春季弘等十餘員也聯詩而為顧笑會罷赴佛乘且
入藏至寮與金華劇笑快於夜深而退
二十五日癸酉 紹首座來訪出金為礼報以紙扇
也

二十六日甲戌 前光祿觀公屈相公之駕於其第
以例也

二十七日乙亥 赴東山靈泉之惟精招先扣九淵
和尚而致禮竟與惟精正索相會歡笑終日其座未
散以昏黑而退

二十八日丙子 常照金華藏主出禿布世之所製
梁溪字說：曰直指見性一源之水遙從西身毒而
來東漸于真丹大乘根器之上佛心天子所都之域
於是疏而起廓然之巨瀾瀦而湛不識之羣委夫是
之謂梁溪者也其流既溢而為二三焉又醞而或南

或北或入于洞或入于濟而後森漫浩瀚浴日滔天
其勢莫禦也龍峰廓公上人謁余需其号輒以梁溪
稱焉將視吾子它日必出袖間之手操彼第一義諦
之舟而浚其源揚其波而已矣既而獲正斤存耕老
人擘窠兩字而梁溪之能為梁溪亦以莫不增其大
也余乃望洋而歌曰梁之廣矣不可泳思溪之永矣
不可方思廓公擊節曰誰謂梁廣一葦杭之誰謂溪
永跋予望之肯長祿元年丁丑八月念七邨閣靈彥
書

二十九日丁丑 清岩來問應菴嬾桃之妄曰師妙

年而司紀綱之職有其嘲不勝任者故自題曰人言
洞裡桃花嫩未必人間有此枝清岩似有解矣

三十日戊寅 雜簡之中有一疏天德賢遠西堂之

所作主龍崗和尚住南禪江湖也曰奔車每夫子待
時而止待時而行方袍有夷吾不勞王不學以霸茲
逢者之一變柳愜魯之五儀共惟前修典刑後學師
表仰之崇崗峻阜就則和氣陽春驅霹靂起蜿蜒天
產英物收瓊璠弄珎珠世稔養名幾年紫府勝遊由
未黃閣品藻永安受歐陽識得此郎於僧中宗壽留
蘇軾題起吾曾於壁上鵝雪臘永九夏將半獅擲象

旋一會儼然毓稜金爵自垢境更壯潛邸滄江鷗鷺
野心性莫忘田盟日錄曰嗚呼斯人既亡此文猶存
於今日能使人不竟慨然可惜命也

晚赴宝渚與琴溪對炉語出糲漿而為藥石也 入

夜清君未語本寺諸老宿諸寺退院之頌惟宗天龍

曰龜山董席半年過初喜今朝脫鐵枷訐同行水

上座青山何處白雲多信中南禪曰暫住龍峰不得

閑乞身一錫出玄關桂叢有約先秋去好在淮南曰

小山愚極南禪曰住出鉏斧鉞每柯截斫榮枯澗力

多好在曹溪燕子路不如弛擔卧松蘿太叔南禪曰

人間七十八中秋明月開雲五鳳樓木上座未我歸
去海西万里汝為舟琴江東福曰三歲羈留今乞骸
烏藤独伴旧生涯為吾去擇歸休地溪有水魚山有
柴信中東福曰三年兼之古精藍解印即歸東麓南
只此山中應餼老白雲深處綠蘿菴清岩語竺園退
天龍之一偈曰柝標橫擔高揭衣往尋東麓曰時扉
袈裟一角有餘地包裹西山爽冠歸

碧山日錄

二覽
月酉

二月 每歲仲春初午日丈室有修戲之會觀
世吾之像三十三每幅之前有瓶花供司紀綱職者
設此會畢則入其場緇素爭奪花枝擾亂及刀杖之
難前年室渚雲章和尚與諸老相議止為前夕函緇
相群鳴鐘鼓譴紀綱曰瓶花設也古之有也近歲退
之何也可復旧規云紀綱告諸老：曰一花一香
供佛之法莫以若也然而爭奪及傷害故斥之惟乃
及帝合道若復之恐又傷人不如不復為也函緇
之雖伏不亦言也

二日庚辰 問琴溪以瓶花之筆為話
三日辛巳 課方僕修東面竹籬
四日壬午 入丈室修懺之會 諸老預請秀芳西
堂住本寺此日領源相公帖
五日癸未 往永明而賀秀芳之領帖也 凌霄住
持某以佗招曰盲者竹一奏平氏曲可來 云天竟
文伯先至共聆其曲 畢有藥石之供 詭笑移刻
六日甲申 夏公率其下而來遊 餅漿待之
七日乙酉 少林季藏主招以齋從會者三四人
午而兩池蛙始鳴

八日丙戌 偶赴隣房有一僧嘗與遊從者矣其平
生驚悟忤物法厲疾之遂起 單東走西奔不相見十
余年也是日會面 畜較夙雅不改故態恃才傲縱衆
皆目而笑之

九日丁亥 營齋請華岳天竟月吾斯立惟精季弘
朴仲等皆來賁道話移時

十日戊子 數日前有容出一軸曰諸葛孔明遺像
也 俾華岳和尚為余贊之乃傳之和尚作一篇曰白
羽招兵屬指麾 草廬一起 決安危出師兩表答三顧
吳魏風塵滿鬢絲

十一日己丑 鶴隱惟精詣南都二月堂會枉道相
問接茶杯為行色也

十二日庚寅 披閱月藏經 命僕種萬苔期以春
暮之味克助午盃也

十三日辛卯 赴妙足適天之招同其裔者月建惟
精斯立德夫也 新命秀芳於光明院習入寺之儀
老幼相會者三十餘員以麵茶為供也

十四日壬辰 門首座作祥光塔之至往賀之

十五日癸巳 赴靈芝佛涅槃頌之會以鱣弱芎三
字為韻也曰應化身學柳條弱生滅相歸桃花芎臭

肯煩乞韓文公餘殃還及潮州鱣

十六日甲午 七澤未共評昨日涅槃會頌

十七日乙未 秀芳是日任本寺諸山相會 竹香

九淵兩和尚來訪相接揖茶

十八日丙申 丈室有請大眾供忘心之會以有冗
吏不赴

十九日丁酉 與永安惟精問九淵和尚於東山知
足出茶果為誇柄之資又赴雲持而訪魯菴遂以惟
精之往而遊靈山 趾有菴芳如意其至乃惟精之
弟 茅安公也其境頗有佳致從容忘歸不竟至昏里也

二十日戊戌申而雨赴丈室之齋畢入城問
鶴隱以不在乃歸

廿一日壬亥宿雨不晴遊清淨菴見子庭所掃
石菖蒲

二十二日庚子佛乘院有桃樹一株以其早開倍
名正月桃今年餘寒脫剝而花遲是日甚盛典諸彥
相過賞之

二十三日辛丑知足九潤和尚求稚松栽贈以兩
三株其復曰松栽四三株辱持贈竈賜之厚諒匪所
堪特以煩家奴遠路迨煩勞可憐者乎必詣床下

以罄謝忱短書中心不尽為恐惶不宣

二十四日壬寅永安庭前有梅數十株紅白交加
是日設齋而見招起奄天覺月咎斯立玉浦胤芳相
會東山祥雲之西堂名信者來會信為人放縱跌宕
蚩老痛鉅公之前勿所敬畏以恣言笑且多儲錢貨
珍器名画等以傲人也見者薄之然而有意奉廢東
山之堂宇為之起者多矣

二十五日癸卯有客曰昨日山寄成思寺失火僧
堂丈室山門皆成灰燼只寶殿逃災也其祖奇山繪
常樂祖像着其自贊之影又所傳信衣及寺券燒失

云

二十六日甲辰 看閱日藏經

二十七日乙巳 清岩來共話往來

二十八日庚午 過太畜而見双桂所賦雪山深處

之詩

二十九日辛未 看閱月藏經

二十日
二十一日
二十二日
二十三日
二十四日
二十五日
二十六日
二十七日
二十八日
二十九日
三十日

校讎





